

Graduan harus tingkatkan nilai kemanusiaan sejagat demi keamanan - Sultan Sharafuddin

SERDANG, 4 Nov - Graduan diseru memperkukuhkan nilai kemanusiaan sejagat merentasi batasan agama dan negara dalam memelihara keamanan dan menghormati sesama manusia.

Tuanju Canselor Universiti Putra Malaysia (UPM), Sultan Sharafuddin Idris Shah bertitah dengan konsep dunia tanpa sempadan, graduan harus bersedia dengan perubahan pemikiran global dalam aspek ekonomi, kemanusiaan dan keselamatan sejagat kerana kesemuanya mempunyai kesan kepada kesejahteraan rakyat Malaysia.

"Graduan diseru jangan terlibat dalam gerakan berpaksikan keganasan yang bertentangan dengan prinsip agama," titah baginda pada Majlis Konvokesyen ke-41 (2017) UPM, di Dewan Besar, Pusat Kebudayaan dan Kesenian Sultan Salahuddin Abdul Aziz Shah di sini, hari ini.

Baginda juga bertitah graduan harus berusaha memerangi najis da-

hah yang bukan sahaja merosakan pemikiran, fizikal dan emosi tetapi boleh menyebabkan kerosakan yang besar kepada bangsa dan negara sekiranya tidak dibanteras.

"Beta berasa sangat dukacita apabila diberitahu dadah ini bukan sahaja mempengaruhi golongan belia, tetapi juga remaja yang masih bersekolah. Para graduan harus berperanan aktif dalam masyarakat untuk membanteras gejala ini daripada terus merebak," titahnya.

Pada Majlis Konvokesyen UPM pada 4 hingga 7 November 2017 selama empat hari itu, seramai 6,500 graduan pelbagai program pengajian akan menerima ijazah dan diploma iaitu doktor falsafah (Ph.D) seramai 627, sarjana (Master) 1,628, bachelors 3,720 dan diploma 525.

Pada istiadat itu, baginda mengurniakan Ijazah Kehormat kepada Datuk Seri Tajuddin Atan dan Profesor Dr. Omar M. Yaghi serta gelaran Profesor Emeritus kepada Datin Dr. Farida Fatema@ Farida Jamal, Prof. Dr. Azimi Hamzah dan Prof. Dr.

Kamariah Abu Bakar.

Konvokesyen UPM kali ini meredakan graduan suling untuk lima

graduan Doktor Kejuruteraan, dua graduan Master Perubatan (Psikiatri) dan dua graduan Master Perubatan (Perubatan Keluarga).

"Beta gembira kerana UPM telah berjaya melonjak 41 anak tangga ke kedudukan 229 universiti terbaik dunia dalam penarafan QS World University Ranking berbanding pada kedudukan 270 pada tahun 2016.

"Beta juga gembira kerana UPM mengukuhkan kedudukan ke-36 universiti terbaik Asia dalam 'QS Asia Universiti Ranking 2018', "titah Sultan Sharafuddin.

Baginda turut mengucapkan tahniah kerana pada Kejohanan Sukan SEA, Kuala Lumpur 2017, seramai 75 orang pelajar UPM berjaya menyumbangkan 37 pingat iaitu 15 emas, 11 perak dan 11 pingat gangsa kepada

negara.

"Beta menggesa para alumni untuk sentiasa kembali ke UPM sama

ada secara fizikal atau melalui apa kaedah sekalipun untuk bersama-sama membantu UPM. Langkah ini akan membolehkan UPM berfungsi sebagai hub ilmu yang relevan pada setiap masa," titahnya.

Sultan Sharafuddin juga gembira dengan kerjasama rapat UPM dengan industri untuk menambah kemahiran kepada pelajar seperti kerjasama strategik dengan Sime Darby Berhad, AirAsia, Holstein Sdn Bhd. dan Malayan Flours Mill Berhad.

"Tahniah kerana pada Kejohanan Sukan SEA, Kuala Lumpur 2017, seramai 75 orang pelajar UPM berjaya menyumbangkan 37 pingat iaitu 15 emas, 11 perak dan 11 pingat gangsa kepada negara"

- Sultan Sharafuddin



Sultan Sharafuddin Idris Shah
Tuanju Canselor
Universiti Putra Malaysia (UPM)



Majlis KONVOKESYEN

ke-41

4-7 November 2017

PUSAT KEBUDAYAAN DAN KESENIAN
SULTAN SALAHUDDIN ABDUL AZIZ SHAH,
UNIVERSITI PUTRA MALAYSIA

ihسان
Kecemerlangan & Cabaran

PERTANIAN • INOVASI • KEHIDUPAN
BERILMU BERBAKTI

Ekspo Pertanian & Pesta Konvokesyen

UPM ke-41

3 NOVEMBER 2017
BUKIT EKSPLO, UPM

ihسان
Kecemerlangan & Cabaran



Aktiviti Utama

Pameran Penyelidikan & Pertanian | Jualan Hasil Pertanian | Jualan Pelbagai Anak Pokok
Klinik Pertanian | Pameran & Jualan Orkid | Pameran Ternakan | Jualan Pelbagai Produk & Kraf
Selera Rasa Makanan Tempatan & Western (Food Truck & Stall)

Aktiviti Menarik

Pertandingan Memancing | Mini Explorace | Pertandingan Mewarna Kanak-kanak, Cabutan Bertuah, Jualan Harga Runtuh dan Sesi Bersama Ikon
Fun Bun (5 km) | Pertandingan Rentak Putra Interkolej UPM | Festival Kompang Interkolej UPM (FESKOM) | Festival Koir Interkolej UPM
Festival Nasyid Interkolej UPM (FESNIK) | Persembahan Artis Jemputan | Karaoke Santai

Rakan Media

UTUSAN MALAYSIA

MINGGUAN MALAYSIA

facebook.com/UniPutraMalaysia

@uputramalaysia

instagram.com/uniputramalaysia

youtube.com/user/bppupm

PERTANIAN • INOVASI • KEHIDUPAN

BERILMU BERBAKTI